

Član 11.

Plakete Općine Trnovo dodjeljuju se na svečanoj sjednici Općinskog vijeća Trnovo.

Zahvalnice čiji broj nije ograničen dodjeljuju se u toku cijele godine.

Dobitnicima pojedinačnih plaketa i zahvalnicajnože se dodijeliti simbolična novčana nagrada ili drugi prigodan poklon.

Sredstva za namjene iz stava 2, obezbjeđuju se u Budžetu Općine Trnovo.

IV - PRELAZNE I ZAVRŠNE ODREDBE

Član 11.

Stupanjem na snagu ovog Pravilnika prestaje da važi Pravilnik o kriterijima i mjerilima za dodjelu javnih priznanja i nagrada Općine Trnovo ("Službene novine Kantona Sarajevo", br. 11/03 i 19/04).

Član 12.

Ovaj Pravilnik stupa na snagu danom objave na oglasnoj ploči Općine Trnovo a naknadno će se objaviti u "Službenim novinama Kantona Sarajevo".

Broj 01-02-104/16

06. januara 2016. godine

Trnovo

Predsjedavajući

Općinskog vijeća Trnovo

Zijo Krupalija, s. r.

Pravilnik stupio na snagu danom objave na oglasnoj ploči Općine Trnovo, dana 06.01.2016. godine.

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", br. 7/05), i člana 38. i 118. Statuta Općine Trnovo ("Službene novine Kantona Sarajevo", br. 12/08), Općinski načelnik, dana 07.01.2016. godine, verifikovao je i donio

ODLUKU

**O KOREKCIJI URBANISTIČKOG PROJEKTA
"BJELAŠNICA - II FAZA"**

(Poslovni objekat)

Član 1.

Utvrđuje se Korekcija Urbanističkog projekta "Bjelašnica - II faza" ("Službene novine Kantona Sarajevo", broj 22/06 i 22/07), u daljem tekstu: Korekcija Projekta.

Član 2.

Korekcijom Projekta utvrđeni su planski preduvjeti za planiranje manjeg poslovnog objekta, na parceli označenoj kao dio k.č.3106/3, K.O. Presjenica, Općina Trnovo, te izmjenu dijela trase saobraćajnice, prema sljedećim urbanističko-tehničkim uslovima, odnosno na način:

1. Namjena planiranog objekta je poslovna. Maksimalni gabarit objekta je 8,00 x 5,95 m, a maksimalna spratnost S+P+Pot.
2. Građevinska i regulaciona linija su prikazane u grafičkim prilogima br. 2 i br. 3.
3. Maksimalna BGP ovog objekta iznosi 119 m².
4. Potrebno je obezbijediti odgovarajući broj parking mjesta za potrebe poslovnog objekta unutar regulacione linije parcele, a u skladu sa važećim normativima.

Član 3.

Korekcija Projekta sastoji se iz tekstualnog dijela i grafičkih priloga sa prikazanom regulacionom linijom parcele i maksimalnom građevinskom linijom planiranog objekta: graf. Prilog br. 2 - Urbanističko rješenje, graf. prilog i br. 3 - Analitička obrada građevinskih parcela.

Tekstualni dio i grafički prilozi korekcije Projekta su sastavni dio Urbanističkog projekta "Bjelašnica - II faza" ("Službene novine Kantona Sarajevo", broj 22/06 i 22/07).

Član 4.

Korekcija Projekta je rađena za fazu urbanizma, a obaveza investitora je da za faze komunalne infrastrukture i saobraćaja izvrši usaglašavanje Korekcije Projekta sa Idejnim rješenjima, koja su sastavni dio Urbanističkog projekta "Bjelašnica - II faza", te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Projekta (tekstualni dio i grafički prilog) nalazi se na stalnom javnom uvidu i čuva se u Službi dokumentacije Općine Trnovo, Zavoda za planiranje razvoja Kantona Sarajevo i Ministarstva prostornog uređenja i zaštite okoliša Kantona Sarajevo.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Trnovo, a naknadno će se objaviti u "Službenim novinama Kantona Sarajevo".

Broj 02-23-1637/15

07. januara 2016. godine

ZAVOD ZA PLANIRANJE RAZVOJA KANTONA SARAJEVO

Općinski načelnik

Ibro Berilo, s. r.

KOREKCIJA

**URBANISTIČKOG PROJEKTA
"BJELAŠNICA - II FAZA"**

Poslovni objekat na dijelu parcele k.č. 3106/3

Direktor

Hamdija Efendić, dipl. ing. grd.

Sarajevo, decembar 2015. godine

NOSILAC PRIPREME
PLANA:

NAČELNIK OPĆINE
TRNOVO

NOSILAC IZRADE
PLANA

ZAVOD ZA
PLANIRANJE RAZVOJA
KANTONA SARAJEVO

KOORDINATOR
SEKTORA ZA
PROVEDBENU PLANSKU
DOKUMENTACIJU
I STRUČNA MIŠLJENJA

STANISLAVA MARINOVIĆ,
dipl. ing. arh.

Faza URBANIZAM
ODGOVORNI PLANER:

ZINAIDA KADRIBEGOVIĆ,
dipl. ing. arh.

Faza SAOBRAĆAJ
ODGOVORNI PLANER:

ALMIR HERCEGOVAC,
dipl. ing. građ.

SADRŽAJ

TEKSTUALNI DIO

1. UVOD
2. IZVOD IZ URBANISTIČKOG PROJEKTA "BJELAŠNICA - II FAZA"
3. KOREKCIJA URBANISTIČKOG PROJEKTA "BJELAŠNICA - II FAZA"

GRAFIČKI DIO

FAZA URBANIZAM:

- | | |
|--|----------|
| Graf. prilog br. 1 PREDMET KOREKCIJE | M 1:2000 |
| Graf. prilog br. 2 RAZMJETAJ, NAMJENA I SPRATNOST OBJEKATA | M 1:1000 |
| Graf. prilog br. 3 ANALITIČKA OBRADA GRAĐEVINSKIH PARCELA | M 1:1000 |

1. UVOD

Za predmetnu prostornu cjelinu urađena je i usvojena provedbena dokumentacija - Urbanistički projekat "Bjelašnica - II faza" ("Službene novine Kantona Sarajevo", broj 22/06 i 22/07).

U skladu sa odredbama člana 46. Zakona o prostornom uređenju ("Službene novine Kantona Sarajevo", broj 7/05) Načelnik Općine Trnovo pokrenuo je inicijativu za korekciju Urbanističkog projekta "Bjelašnica - II faza", aktom broj 02-05-1637/15 od 15.07.2015. godine, a u cilju stvaranja planskog preduvjeta za planiranje manjeg poslovnog objekta, na zemljištu označenom kao dio k.č. 3106/3, K.O. Presjenica, te korigovanje dijela trase saobraćajnice ispred pomenutog objekta.

2. IZVOD IZ URBANISTIČKOG PROJEKTA "BJELAŠNICA - II FAZA"

Pravni osnov za izradu ovog dokumenta prstavlja regulacioni plan "Sportsko-rekreativnog područja Bjelašnica", usvojen u februaru 1982. godine kojim je definisana i zona građenja podijeljena u tri etape, a čija je druga faza predmetom izrade ovog Urbanističkog projekta.

Regulacioni plan je definisao područje Babinog Dola, Zminjca i Štinjeg Dola kao područje izgradnje turističkih objekata: hotela, odmarališta, pansiona, apartmana, kampa i

centralnih sadržaja koji obuhvataju prostore namjenjene za trgovinu, ugostiteljstvo, zanate, servise, kulturu, sport i javne sadržaje.

3. KOREKCIJA URBANISTIČKOG PROJEKTA "BJELAŠNICA - II FAZA"

Cilj korekcije Urbanističkog projekta je da se stvore planski preduvjeti za planiranje manjeg poslovnog objekta, na parceli označenoj kao dio k.č. 3106/3, K.O. Presjenica, Općina Trnovo, te izmjenu dijela trase saobraćajnice prema sljedećim urbanističko-tehničkim uslovima:

- Namjena planiranog objekta je poslovna. Maksimalni gabarit objekta je 8,00 x 5,95 m, a maksimalna spratnost S+P+Pot.
- Građevinska i regulaciona linija su prikazane u grafičkim prilogima br. 2 i br. 3.
- Maksimalna BGP ovog objekta iznosi 119 m².
- Potrebno je obezbijediti odgovarajući broj parking mjesta za potrebe poslovnog objekta unutar regulacione linije parcele, a u skladu sa važećim normativima.





